

摘藻堂四庫全書薈要

集部

欽定四庫全書薈要

集部

御定詠物詩選卷二百

二十五
二十四

欽定四庫全書薈要卷一萬八千八百四十二

集部

御定佩文齋詠物詩選卷二百二十

香類

五言古

同閣學士賦金鴨燒香

元虞集

黃金鑄為鴨焚蘭夕殿中窈窕轉斜月逶迤動微風綺
席列珠樹華燈連玉虹無眠待顧問不知清夜終

和虞先生箸香

元薛漢



奇芬擣精微纖莖挺脩直
炆輕雪消晁火細螢耀夕素
煙裊雙縷暗馥生半室
鼻觀靜裏參心原坐來
息有客臭味同相看終永日

七言古 附長短句

賦得香出衣

梁劉孝威

香出衣步近氣逾飛
博山登高用鄴錦含情動
靨比洛妃香纓麝帶縫金
縷瓊花玉勝綴珠徽
蘇合故年微恨歇都梁路
遠恐非新猶賢漢君芳千
里尚笑荀令止三

句

燒香

宋楊萬里

琢甃作鼎碧於水削銀為葉輕如紙不文不武火力勻
閉閣下簾風不起詩人自炷古龍涎但令有香不見煙
素馨忽開抹利圻低處龍麝和沈檀平生飽識山林味
不奈此香殊斌媚呼兒急取烹木犀却作書生真富貴

七言律

燒香

宋陸游

寶薰清夜起氤氲寂寂中庭伴月痕小斲海沈非弄水
旋開山麝取當門蜜房割處春方半花露收時日未暝
安得故人同晤語一燈相對看雲屯

魏城馬南瑞以異香見遺為賦

元毛麾

梅心蘭甲類元同氣壓荀家百和功借潤更煩纖手玉
出雲初試博山銅崇朝日下亭亭蓋三月花間細細風
我有因緣在香火鼻端消息為君通

其二

二卉真香豈復加便宜編譜入雄誇
留殘一點薔薇水幻出諸天薝蔔花
佩帶正垂金鈿小熏爐孤起翠雲斜
金籠甲帳豪華事慚愧桑樞甕牖家

雲州道中數聞異香

元虞集

雲中樓觀翠宮堯載道飛香遠見招
非有芝蘭從地出略無煙霧只風飄
玉皇案側當霄立王母池邊向日朝
却袖餘薰散人世九天清露海塵遙

龍涎香

元謝宗可

瀛島蟠龍玉吐凝
輕氛飛繞博山青
暖浮蛟窟潮聲怒
清徹驪宮蟄睡醒
碧腦盈箱收海氣
紅薇滴露洗雲腥
雨窓篝火濃熏被
夢駕蒼鱗上帝庭

線香

明瞿佑

搗麝篩檀入範模
潤分薇露合雞蘓
一絲吐出青煙細
半炷燒成玉筋麤
道士每占經次第
佳人唯驗繡工夫
軒窓几席隨宜用
不待高擎鵲尾爐

香印

瞿佑

量酌香塵盡左旋曾煩巧匠為雕鐫螢穿古篆盤紅燄
鳳遶迴文吐碧煙畫內僅容方寸地數中元有範圍天
老來無復封侯念日日移當繡佛前

燒香桌

瞿佑

雕檀斲梓樣新奇霧閣雲窓任轉移金獸小身平立處
玉人雙手並擡時輕煙每向穿花見細語多因拜月知
有約不來閒凭久麝煤煨盡獨敲棋

齋居謝屠元勲送解家香

明 吳寬

坐來齋閣欲清心，忽對名香到夜深。
已似古人頻掃地，更無俗客共鳴琴。
煖煙盤曲絲縈碧，細屑圓成箸削金。
始信解家真得法，清泉餅莫送詞林。

印香盤

明 朱之蕃

不聽更漏向譙樓，自剖玄機貯案頭。
爐面勻鋪香粉細，屏間時有篆煙浮。
迴環恍若周天象，節次同符五夜籌。
清夢覺來知候改，褰帷星火照吟眸。

香篆

朱之蕃

水沈初試博山時吐霧蒸雲復散絲忽漫書空凝錦織
相看掃素傍燈帷縈紆細縷蟲魚錯斷續殘煙柳薤垂
幾向螭頭聞闔殿羅襴攜出鳳凰池

五言絕句

寄南岳客乞靈炷香

唐
陸龜蒙

聞說融峰下靈香似返魂春來正堪采試為斲雲根
賈天錫惠寶熏乞詩予以兵衛森畫戟燕寢凝

清香十字作詩報之久失此藁偶於門下後

省故紙中得之

錄五首

宋黃庭堅

石蜜化螺甲
棋枰煮水沈
博山孤煙起
對此作森森

其二

輪囷香事已
郁郁著書畫
誰能入吾室
脫汝世俗械

其三

牀帷夜氣馥
衣桁晚煙凝
瓦溝鳴急雪
睡鴨照華燈

其四

雉尾映鞭聲金爐拂太清班近聞香早歸來學得成

其五

衣篝麗紈綺有待乃芬芳當念真富貴自熏知見香

香

金
李俊民

小炷博山鼎半殘心字灰遊蜂何處客應為百花來

焚香

明
高啟

斜霏動遠吹暗馥留微火心事共成灰牕間一翁坐

六言絕句

和黃魯直燒香

宋 蘇軾

四句燒香偈子隨香徧滿東南不是聞思所及且令鼻
觀先參

有惠江南帳中香者戲贈

宋 黃庭堅

百煉香螺沈水寶熏近出江南一穗黃雲繞几深禪想
對同參

其二

螺甲割崑崙耳香材屑鷓鴣斑欲雨鳴鳩日永下帷睡

鳴春閒

子瞻寄和復答

黃庭堅

置酒未容虛左論詩時要指南
迎笑天香滿袖喜公新
趁朝參

其二

迎燕溫風旖旎潤花小雨斑斑
一炷煙中得意九衢塵
裏偷閒

焚香

金高憲

抹利花心曉露薔薇萼底溫風洗念六根塵外忘言一
炷煙中

其二

滿地落花春曉一簾微雨輕陰正要金蕉引睡不妨玉
隴知音

其三

紙帳收煙密下松皮卷火常虛午寂春閒小睡人間自
有華胥

其四

沈水濃熏甲煎宮梅細點波津奕奕非煙非霧依依如
幻如真

七言絕句

宮詞

唐王建

雨入珠簾滿殿涼避風新出玉盆湯內人恐要秋衣著
不住熏籠換好香

薛舍人見徵恩賜香并二十八字同寄

唐
吳融

往歲知君侍武皇
今來何用紫羅囊
多緣有意重熏裊
更灑江毫上玉堂

春雨中偶成

宋
張耒

春陰只與睡相宜
卧聽鳴禽語復飛
一縷斷香浮不散
何人深院晝熏衣

邃老寄龍涎香

宋
劉子翬

瘴海驪龍供素沫
蠻邨花露浥清滋
微參鼻觀猶疑似

全在爐煙未發時

燒香

宋楊萬里

小閣疎櫺春晝長
沈煙半穗弄輕黃
老鈴略不知人意
故故褰簾放出香

宮詞

宋花蕊夫人

會真廣殿遶宮牆
樓閣相扶倚太陽
淨甃玉階橫水岸
御爐香氣撲龍牀

其二

安排諸院接行廊外監周回十里強青錦地衣紅繡毯
盡鋪龍腦鬱金香

其三

曉吹翩翩動翠旗爐煙千疊瑞雲飛何人奏對偏移刻
御史天香染繡衣

從希顏覓篤耨香

金元好問

綠洋奇亦賽濃梅永憶熏爐試淺灰尤物也知人愛惜
簾篩風動只縈回

其二

自倚詩情合得消暮寒新火覺無聊懸知受用無多在
試往新詩乞斷瓢

焚勝梅香

元
劉秉忠

春風吹滅小檠釭夢斷爐香結翠幢檐外杏花橫素月
恰如梅影在西窓

午寢

元
淮

鶯來踏碎亂紅翻盡日簾垂晝永間午睡覺來香味遠

金猊猶有鷓鴣斑

題露臺夜炷圖

元 揭祐民

赭紅清夜露臺香
月冷銅人正耐霜
心事意知惟密訴
帝青天語近琅琅

是年五月扈從上京學宮紀事

元 周伯琦

鷓鴣斑百和作堅材
翥鳳翔龍四壁開
寶地曉張香積界
始知天子是如來

春寒

明郊 韶

十日春寒早閉門
風風雨雨怕黃昏
小齋坐對黃金鴨
寂寂沈香火自溫

南郊雜韻

明陸 容

仙韶隱隱落空濛
臺下傳呼拜啟同
知是燔柴禮初獻
沈香火起燭天紅

御定佩文齋詠物詩選卷二百二十

欽定四庫全書薈要卷一萬八千八百四十三

集部

御定佩文齋詠物詩選卷二百二十一

燈燭類附煙火

四言古

金羊燈銘

漢李尤

賢哲勉務惟日不足金羊載耀作明以續

燈銘

晉傅玄

晃晃華燈含滋炳靈素膏流液元炷亭亭丹水陽輝飛

景蘭庭

燭銘

晉傅咸

煌煌丹燭焰焰飛光取則景龍擬象扶桑照彼幽夜炳
若朝陽焚形鑒世無隱不彰

五言古

庭燎

晉傅玄

元正始朝享萬國執珪璋枝燈若火樹庭燎繼天光

燈

齊謝朓

發翠斜谿裏蓄寶宕山峰抽莖類仙掌銜光似燭龍飛
蛾再三繞輕花四五重孤對相思夕空照舞衣縫

正月八日燃燈詩應令

梁簡文帝

藕樹交無極花雲衣數重織竹能為象縛荻巧成龍落
灰然蕊盛垂油濕畫峰天宮倘若見燈王願可逢

詠籠燈

簡文帝

動燄翠帷裏散影羅帳前花心生復落明銷君詎憐

詠池中燭影

梁元帝

漁燈且滅燼鶴燄暫停輝自有銜龍燭青光入朱扉映
水疑三燭翻池類九微入林如燐影度渚若螢飛河低
扇月落霧上珠星稀章華終宴所飛蓋且相追

詠殘燈

梁紀少瑜

殘燈猶未滅將盡更揚輝唯餘一兩燄裁得解羅衣

詠燈檠

梁王筠

百華曜九枝鳴鶴映水池朱光本內照丹花復外垂流
輝悅嘉客翻影泣生離自銷良不悔明白願君知

詠蠟燭

王筠

執燭引佳期
流影度單帷
腫朧別繡被
依稀見蛾眉
英明不足貴
焦燼豈為疑
所恐恩情改
照君尋履綦

詠燈

梁吳均

昔在鳳凰闕
七采蓮花莖
陸離看寶帳
爛熳照文屏
澹艷煙光轉
氛氲霧裏輕
能方三五夜
桂樹月中生

和簾裏燭

梁劉孝威

開闌簾影出
參差風燄斜
浮光燭綺帶
凝滴污垂花

賦得照基燭詩刻五分成

梁劉孝綽

南皮絃吹罷終奕且留賓日下房櫳闔華燭命佳人側
光全照局迴花半隱身不辭纖手倦羞令夜向晨

詠燈

梁沈氏

綺筵日已暮羅帷月未歸
開花散四照含光出九微
風軒動丹焰冰宇澹清輝
不吝輕蛾繞唯恐曉蠅飛

三善殿夜望山燈

陳江總

百花疑吐夜四照似含春
的的連星出亭亭向月新
採

珠非合浦贈珮異江濱若任扶桑路堪言並日輪

奉和通衢建燈應制

隋諸葛穎

芳衢澄夜景法炬爛參差逐輪時徙燄桃花生落枝飛
煙繞定室浮光映瑤池重閣登臨罷歌管乘空移

寒缸

唐劉長卿

向夕燈稍進空堂彌寂寞光寒對愁人時復一花落但
恐明見累何愁暗難託戀君秋夜永無使蘭膏薄

詠殘燈和楊孟載

明高啟

凝寒結重暈逼曙零孤朶膏空逐漏水燄在同爐火戀
影未成眠更就餘光坐

詠料絲燈

明薛蕙

淮南王為盃西京金作枝未若茲燈麗擅巧昆明池霏
微狀蟬翼連娟侔網絲煙空不礙視霧弱未勝持碧水
點蔥鬱彩石染葳蕤霞疊有無色雲攢深淺姿焚蘭發
香氣對燭映紅滋明月詎須侈夜光方可嗤

燭

薛蕙

客醉北堂上花生夜戶中
色亂歌梁月影暗舞衣風
珠簾照不隔羅幌映疑空
願得陪長譙相看曲未終

七言古

三日侍宴詠曲水中燭影

梁庾肩吾

重焰垂花比芳樹風吹水動俱難住
春枝拂岸影上來還
栝繞客光中度

襖飲嘉樂殿詠曲水中燭影

梁劉孝威

火浣花心猶未長金枝密焰已流芳
芙蓉池畔涵停影

桃花水脈引行光

五言律

燭

唐
李嶠

兔月清光隱龍盤
畫燭三星花入夜
四序玉調晨浮炷
依羅幌吹香匝
綺茵若逢燕國相
持用舉賢人

送綦毋三寺中賦得紗燈

唐
李頎

禪室吐香燼
輕紗籠翠煙
長繩挂青竹
百尺垂紅蓮
熠燿衆星下
玲瓏雙塔前
含光待明發
此別豈徒然

詠燈花同侯十一

唐韓愈

今夕知何夕花燃錦帳中
自能當雪暖那肯待春紅
黃裏排金粟釵頭綴玉蟲
更煩將喜事來報主人公

觀山燈獻徐尚書

唐段成式

風杪影零亂露輕光
陸離如霞散仙掌似燒上
峩峩道樹千花發扶桑
九日移因山成聚像不復藉蟠螭

其二

湧出多寶塔往來飛錫僧
分明三五月傳照百千燈
馴

狄移高灶慶雲遮半層夜深寒燄白猶自綴金繩

燈花

元貢奎

今夕離家遠燈花儘意開綠煙浮小暈紅燄落輕煤影
照頻占喜心挑莫見猜遙知兒女坐歡笑對銀臺

廢檠

元楊載

二尺書檠在如今久棄捐魚膏雖有燄蠹簡獨無緣牆
下偕遺礫窓間帶舊煙却觀提挈處辛苦悔當年

元夕賜觀燈

明楊榮

禁苑東風暖青霄月正中魚龍千隊戲羅綺萬花叢雲
嶠祥光麗星橋寶炬紅太平多樂事此夕萬方同

元夕午門賜觀燈

明金幼孜

鰲山新結綵列炬照晴天簫鼓瑤臺上星河絳闕前綵
裝千隊好繡簇萬花妍歡賞陪鑾馭還歌既醉篇

元夕賜觀燈應制

明陳敬宗

紫陌連清禁彤樓接絳河九門星綵動萬井月華多寶
炬通宵晃鸞笙協氣和臣民涵聖澤齊唱太平歌

其二

山擁金鰲壯雲盤彩鳳來
星河隨斗轉珠闕倚天開
歡洽春聲徧恩從淑氣回
願歌魚藻詠長奉萬年杯

懷舊何處觀燈好

明儲 巖

何處觀燈好臺城並騎時
酒邊看夜戲花下聽春詞
火樹璇霄發松棚綵市移
遲遲南陌上明月鎮相隨

其二

何處觀燈好琳宮禁籞西
星橋通碧落雲網綴丹梯
梅

畔春猶寂松梢月漸低傳柑誰得句痛飲憶宣谿

其三

何處觀燈好風光帝里多
鮫屏圍寶炬黿駕灩金河
列第珠垂箔長橋竦枕河
誰家吹鐵笛月午更相過

詠墨紗燈

明曹學佺

質裂橫疑水光生薄似苔憑將彩筆畫認作剪刀裁
鳥向空中度花從鏡裏開細看若無力不畏曉風催

剪燭

明僧德祥

風處搖金蛹煙時閃墨鴉寸心終不昧雙淚欲橫斜
漸過分詩刻虛開報喜花剪聲初落指滿席散春霞

五言排律

翦燈聯句

元貢師泰

夜暖拈香繭春寒落剪刀勞心連鬱結貢綺思出長縑

點綴輕蟬翼

吳子彦

裝粘細鳳毛風花凝瑣碎

貢

雲葉護

周遭影爍金垂燼

侯敬文

光融玉作膏舞裯圍落絮

劉子清

歌扇逐飛桃帶轉銀幡小

貢

輪迴寶蓋高蜘蛛圍露網

吳顧兔墮秋毫鶯擲翻紅雪侯魚跳起碧濤春陽噓蛺

蝶劉秋冷蛻虫螭翠薄荷分鈿絲柔柳散條青童來絳

節玉女翳纖翹碎訝珠胎迸尖愁燕尾翺微茫縈錯落

斜隙漏葡萄飴金空燒蠟棚山漫結鰲浮塵籠漠漠流

水眩滔滔纂綺難為密裁綃祇自勞嬋娟妬清夜蟬螭

落晴臯製異宮人綬榮懷學士綯未曾分寶炬先許照

幘袍劇賞尊頻倒窮搜筆屢操盞簪嘶騷裏奮袖舞豪

曹酒促華筵散詩慚白戰鏖時平無夜禁繁弱且歸弢

貢

燈花聯句

元張雨

星閣迎寒悶霜鐘動夜擬

光孝

酒深燔木火漏下續蘭釭

寸艸熒芝小

雨

丹葩瑞帶雙金枝交婉孌

光孝

銀粟亂鬟

鬟蠟結飛蛾笑

雨

膏融吐鳳嫵汞珠光透鏡

光孝

火齊幻

垂幢的的輝青瑣

雨

搖搖颭玉缸燭龍擎紫蓋

光孝

燕

綴紅雙鄰眼書窺隙

雨

仙眉墨暈牕狂吟心蕊發

光孝

喜

聽足音登折聖風吹座

雨

鈎簾月墮江青藜如見遇揮

手出紛龐

孝光

詠高麗石燈

明唐之漳

竅石燭幽遐虛明詎異紗
琢從箕子國爇向竺王家耿
耿知懸燼亭亭訝作花
定餘神自照經殘漏欲賒
願持明慧鏡揚彩徧河沙

觀燈

明朱純

春色滿侯家金蓮夜吐花香
膏融絳液細燼落金沙閃
閃明珠箔熒熒映碧紗
煙凝微作暈燄煖欲成霞
綰結

流蘇重續紛寶帶斜人看隘珠翠月出讓光華徧列雕
闌護高張繡幄遮休言非勅送吟對亦堪誇

癸卯元夕曹能始席上詠夾紗燈屏得花字

明
吳 兆

火樹當筵出燈屏繞席斜逶迤一片影匝匝九枝華薄
素流明月層波浸百花龍膏燃作霧鶴彩散成霞曉戶
鶯窺鏡春牕蝶誤紗盈盈空內外瞰客若為遮

七言律

蠟燭

唐 鄭谷

仙漏遲遲出建章宮簾不動透清光
金闈露白新裁詔畫閣春紅正試粧
淚滴杯盤何所恨燼飄蘭麝暗和香
多情更有分明處照得歌塵下燕梁

長明燈

唐 羅隱

破暗長明世代深煙和香氣兩沈沈
不知初點人何在祇見當年火至今
曉似紅蓮開沼面夜如寒月鎮潭心
孤光自有龍神護雀戲蛾飛不敢侵

燈花

唐徐夔

點蠟燒銀却勝裁九華紅艷吐玫瑰獨含冬夜寒光拆
不傍春風暖處開難見只因能送喜莫挑唯恐墜成灰
貪膏附熱多相誤為報飛蛾罷拂來

詠燈

唐僧慕幽

鐘斷危樓鳥不飛熒熒何處最相宜香燃水寺僧開卷
筆寫春幃客著詩忽爾思多穿壁處偶然心盡斷纓時
孫康勤苦誰能念少減餘光借與伊

祥符寺九曲觀燈

宋 蘇軾

紗籠擎燭迎門入，銀葉燒香見客邀。
金鼎轉丹光吐夜，寶珠穿蟻鬧連宵。
波翻燄裏元相激，魚舞湯中不畏焦。
明日酒醒空想像，清吟半逐夢魂銷。

上元觀燈

宋 曾鞏

九衢仙仗豫遊歸，寶燭星繁換夕暉。
傳醖未斜清禁月，散花還拂侍臣衣。
天香暗度金虬煖，宮扇雙開彩鳳飛。
法曲世人聽未足，却迎朱輦下端闈。

燈夕呈劉帥

宋 劉克莊

士女如雲服珥鮮暫陪獵較亦欣然清於坡老遊杭市
儉似乖崖在劔川使指何功煩卜夜遨頭此念可通天
粵人擁道千層看不見狨鞍三十年

書燈

元 劉清叟

一點蘭膏數寸心小窓伴我夜沈沈煖分青燄藜煙細
喜動紅光花意深洞見苦心歸典策照殘幽夢入寒衾
他時富貴不相棄移上長檠伴醉吟

金釵剪燭

元 蒲道源

歌舞蘭堂夜色深
燭花輕剪試釵金
分開小鳳雙飛翼
撥盡寒灰一寸心
玉淚亂隨紅袖落
蠟香留得碧雲簪
短檠二尺挑寒雨
頭白書生正苦吟

走馬燈

元 謝宗可

飈輪擁騎駕炎精
飛遶人間不夜城
風鬣追星低弄影
霜蹄逐電去無聲
秦軍夜潰咸陽火
吳炬宵馳赤壁兵
更憶雕鞍年少夢
章臺踏碎月華明

天燈

謝宗可

龍逐炎精下紫宮
夜深不肯落雲中
光分霄漢三更黑
影亂星辰萬點紅
玉柱倚天擎火齊
金繩繫日挂瑤空
照開仙闕朝元路
絳節霓旌穩駕風

蓮燈

謝宗可

萬點芙蓉午夜芳
醉看疑是水雲鄉
蘭缸照破西湖夢
火樹燒殘太液香
焰煖應愁擎夜雨
燼寒不為倒秋霜
元宵庭院東風曉
零亂紅衣落畫梁

水燈

謝宗可

波明燄煖晚風閒
泡影飛來鏡裏看
萬點芙蓉開碧沼
一天星斗落水盤
珠浮赤水光猶濕
火浴丹池夜未乾
照破魚龍波底夢
幽宮不怕五更寒

書燈

謝宗可

吾伊聲裏漏初長
願借丹心吐寸光
萬古分明看簡冊
一生照耀付文章
芸編清逼蘭膏煖
花燼時粘竹汗香
明日金蓮供艸制
幾人風露在秋堂

燈花

謝宗可

誰分春色上銀臺
小草梢頭吐燼煤
丹萼擎煙深夜結
朱蕤噴火背陽開
吟窓對酒分詩罷
旅館敲碁待客來
願得東君膏澤滿
芳心一點不成灰

泡燈

謝宗可

焰吐蘭膏映水晶
泓澄不動一漚輕
天星影落水壺夜
神汞光凝火齊明
碧暈浮春丹氣濕
紅雲泛暖玉華清
遊魚不覺三更冷
飛入琉璃井底行

雪燈

謝宗可

一炬燒寒照夜長
玉蟲飛入白紗囊
冰壺吞月涵秋影
海蚌懷珠吐夜光
六出自隨飛燼落
寸輝不受積陰藏
渾疑凍壑寒崖底
忽見東風轉太陽

塔燈

謝宗可

拔地燒空寶炬長
燭龍掛影照穹蒼
七層火樹雲生煖
九曲神珠夜吐光
霞點彤旌歸淨界
星隨絳節下西方
如來應到天壇上
萬斛金蓮繞步香

燈花給韻

元 胡天游

寸燼能偷造化權
花開花落自黃昏
豈憑根本栽培力
暫借膏油養育恩
隔幔乍疑籠日幄
展屏聊當避風幡
飄零滿案無人問
付與青娥淬鬢痕

西湖放燈

元 張 雨

共泛蘭舟燈火鬧
不知風露濕青冥
如今地底休鋪錦
此日槎頭直挂星
爛若金蓮分夜炬
空於雲母隔秋屏
却憐牛渚清狂甚
苦欲燃犀走百靈

燈花

明張羽

畫堂銀燭映歌鐘
醉眼俄驚火樹紅
白玉屏深留晚艷
絳紗籠煖護春叢
闌干清淚非因雨
狼藉殘煤總為風
更憶禁垣歸路靜
金蓮隨馬散文虹

詠菩提葉燈

明呂誠

寶林萎葉墮天風
一落人間便不同
雲鏡熒煌開月匣
并刀裁剪費春工
星攢蜩翼冰綃薄
華擁蝦鬚玉柵紅
從此可傳無盡藏
五湖今有水晶宮

元夕賜午門觀燈

明 金幼孜

鳳輦初臨鼓吹喧
千官環侍紫宸邊
九門燈火雲霄上
午夜山河錦繡前
春散爐煙浮樹暖
月移寶仗映花妍
從臣忝預傳柑宴
既醉猶歌湛露篇

賜午門觀燈應制

明 陳宗

鼇峰千仞鬱嵯峨
萬蠟榮春洽太和
明月只隨仙仗轉
紅雲偏近御筵多
旌旄影颺黃金闕
絲竹聲翻白雪歌
萬歲三呼頻祝頌
醉歸數問夜如何

其二

白玉仙京上帝家六龍遙駕五雲車巨鼇此夕移三島
火樹迎春吐萬花水咽宮壺留夜色歡騰黎庶樂年華
承恩盡醉歸來晚一派鈞天隔彩霞

河燈

明
李東陽

火裏蓮花水上開亂紅深綠共徘徊紛如列宿時時出
宛似流觴曲曲來色界本知空有相恒河休歎劫成灰
憑君莫話燃犀事水底魚龍或見猜

鞋燈

明瞿佑

弓樣新裁瘦不禁分明一掬照花陰
凌波未試彎彎玉踏月還生步步金
紅蕾先開傳密意赤繩雙繫結同心
少年前度相看處唯恨鞦韆別院深

鬪雞燈

瞿佑

怒挾爭機下絳臺月明照見影毵毸
彩鸞舞鏡腸應斷丹鳳迎陽尾乍開
五德有名終氣合兩雄相厄未心灰
孟韓聯句誰能續燒盡東風畫燭煤

詠老人燈

明 桑悅

假合分明兩鬢秋，鮑郎衫袖帶膏油。
衰顏自分隨灰冷，急景何妨秉燭遊。
得火常時能煖腹，避煙終夜只搖頭。
却疑南極星辰現，一點光芒落海陬。

元夕詠水燈

明 唐順之

正憐火樹鬪春妍，忽見清輝映夜闌。
出海鮫珠猶帶水，滿堂羅袖欲生寒。
燭花不礙空中影，暈氣疑從月裏看。
為語東風暫相借，來宵還得盡餘歡。

上元夜帝御龍舟觀鰲山恭述

明

王士騏

紫禁鰲山結翠旂昇平故事雅宜修春回九陌風仍暖
月出千門霧乍收煙火樓臺疑化國高明世界正宸遊
何人不傍宮牆聽天樂泠泠在御舟

上張燈後苑以麥燈居中吾州所產也

王士騏

江南五月麥初黃野老慇懃進尚方織就絲絲冰比潔

鏤成葉葉玉分光誰高市上千金價不數宮中七寶裝
聞道聖人昭儉德瑩然一盞照中央

石琉璃

明朱之蕃

瑞石瑩然冰雪姿琢成寶月半如規
驪珠出海光猶濕
牛渚燃犀照不遺
丈室明涵金色界
禪關朗映白毫眉
蒲團坐看爐煙裊
天祿何煩太乙藜

燭淚

明申時行

風襲簾帷炬色寒
鮫珠錯落瀉銀盤
紅綃半濕金蓮吐

紫焰微銷玉筯殘傳蠟漢宮春厭浥絕纓楚館夜闌干
須知歸院承恩日涓滴還將雨露看

燭影

明屠瑤瑟

畫梁疎影按紅牙光入花叢比桂華時伴瓊筵翻廣樂
乍浮紈扇隔輕紗溶溶春夜疑宵永閃閃秋閨共月斜
散盡纏頭天欲曙清光猶照五侯家

五言絕句

詠燭

唐太宗

九龍蟠焰動四照逐花生即此流高殿堪持代月明

挑燈杖

唐駱賓王

稟質非貪熱焦心豈憚熬終知不自潤何處用脂膏

同張將薊門觀燈

唐孟浩然

異俗非鄉俗新年改故年薊門看火樹疑是燭龍然

四時宮詞

元曹文晦

掖庭春夜燕小隊去紅粧勅賜金蓮燭雕闌照海棠

二月十五夜子浚兄燈讌再賦

明
皇甫汈

再吐金枝燄重開
玉樹花非關
耽夜飲直是眷年華

其二

綵縷交花艷
明珠減月輝
君能留顧盼
時得奉芳菲

七言絕句

因夢得題公垂所寄蠟燭因寄公垂

唐
白居易

照梁初日光相似
出水新蓮艷不如
却寄兩條君領取

明年雙引入中書

聖燈

唐薛能

莽莽空中稍稍燈
坐看迷濁變清澄
須知火盡煙無益
一夜欄邊說向僧

代夫作白蠟燭詩贈人

唐孫氏

景勝銀缸香比蘭
一條白玉逼人寒
他時紫禁春風夜
醉草天書仔細看

次韻館中上元游葆真宮觀燈

宋韓駒

玉作芙蓉院院明
博山香度小崢嶸
直言水北人稀到
也有嬾姍勃窣行

觀野燈

宋朱子

飛螢腐艸尋常事
作底茲山獨耀芒
須信地靈資物化
金膏隨處發明光

謝韓實之直閣送燈

宋陸游

舊友年來不作疎
華燈乃肯寄蝸廬
寧知此老蕭條甚

二尺檠前正讀書

宮詞

宋
花蕊夫人

夜色樓臺月數層
金猊煙穗繞觚稜
重廊曲折連三殿
密上真珠百寶燈

其二

天門宴罷九重關
樓倚銀河氣象間
一點星毬垂絳闕
五雲仙仗下蓬山

燭花

元
郝經

江城深夜作輕寒金粟堆盤蠟炬殘應是燈花憐久客
故隨人意報平安

令狐學士金蓮圖

元許有壬

九天光彩動金閨輦路風香樹影齊却笑漢家恩數薄
只教天祿待青藜

晚泊維揚驛

元宋 棨

朱軒翠館鬱宮雘幾處笙歌幾處橋怪得隔江人望見
夜深燈火似元宵

書舍寒燈

元葉顥

青燈黃卷伴更長
花落銀缸午夜香
異日長檠珠翠處
苦心寒燄莫相忘

宮詞

明朱權

翠盤金縷絳紗籠
銀燭熒煌照漢宮
應制草詞書細字
燈花報喜吐殷紅

元夕午門觀燈應制

明金幼孜

閭闔重重夜不扃
瓊樓十二敞銀屏
東風一曲昇平樂

此夜都人盡許聽

看燈詞

明瞿佑

傀儡粧成出教坊
彩旗前引兩三行
郭郎鮑老休相笑
畢竟何人舞袖長

燕京歌

明劉效祖

元會初分庭燎光
君王親御紫霞觴
不知五夜春多少
白日猶聞蠟炬香

燈詞

明袁九淑

家家行樂管絃催火樹千枝向夜開見說南鄰祠太乙
笑聲一片踏歌來

附煙火

七言古

陳都閫宅看煙火

明張時徹

正月初旬長晝昏北風吹沙江吐雲千門弱柳青裊裊
官院紅梅開正芬雨霽張燈春不遲將軍煙火夜偏奇
層層島嶼神仙見燦燦雲霄星斗垂寶塔峻嶒跨紫峰

青天削出金芙蓉芳蘭映日瓊瑤碧菡萏凌波瑤瑤紅
蠟炬光中戰馬鳴奔如飛電突如鯨戈矛寒帶陰山雪
旗甲晴輝瀚海星野鴿雙飛乍欲沒銜枝喜鵲喳喳發
芍藥蒲萄懸翠屏珊瑚寶貝流明月空中捧出百絲燈
神女新粧五彩明真人斬蛟動長劍狂客吹簫過洞庭
翩翩舞蝶戲穿花海上樓臺散赤霞須臾錦繡被滿地
明珠斗大紛如麻城中小兒齊拍手聲聲道好如雷吼
擊鼓彈箏時轉喧河漢低回掛朱牖夜深賓客各言歸

主人長跪強牽衣，朱苞細折漳南橘。
白椀新盛北地梨，聯床接席出豐膳。
美酒平斟玉屈卮，清宵良會豈再得。
今我不醉將何為？

七言律

贈放煙火者

元趙孟頫

人間巧藝奪天工，鍊藥燃燈清晝同。
柳絮飛殘鋪地白，槐花落盡滿階紅。
紛紛燦爛如星隕，燿燿喧豗似火攻。
後夜再翻花上錦，不愁零亂向東風。

煙火戲

明瞿佑

天花無數月中開
五色祥雲繞絳臺
墮地忽驚星彩散
飛空頻作雨聲來
怒撞玉斗翻晴雪
勇踏金輪起迅雷
更漏已深人漸散
鬧干挑得綵燈回

御定佩文齋詠物詩選卷二百二十一

欽定四庫全書薈要卷一萬八千八百四十四

御定佩文齋詠物詩選卷二百二十二

火類

五言古

詠火

齊王融

冰容慚遠鑑水質謝明輝是照相思夕早望行人歸

遠看放火

梁庾肩吾

風前細塵起月裏黑煙生發燄看喬木侵光識遠城

夜燒松明火

宋蘇軾

歲暮風雨交客舍淒薄寒夜燒松明火照室紅龍鸞快
燄初煌煌碧煙稍團團幽人忽富貴蕙帳芬椒蘭珠煤
綴屋角香詣流銅盤坐看十八公俯仰灰燼殘齊奴朝
爨蠟萊公夜長歎海康無此物燭盡更未闌

雲龍山觀燒得雲字

蘇軾

丁女真水妃寒山便火耘隕霜知己殺坯戶聽初焚束
縕方熠燿敲石俄氤氲落點甘泉烽橫煙楚塞氛窮蛇

上喬木潛蛟躡浮雲驚飛墮傷雁狂走迷癡磨谷蟄起
蜩燕山妖竄夔獫野竹爆逸響幽桂飄清芬散同秋照
蟬快若夏燎蚊火牛入燕壘燧象奔吳軍喧騰井陘口
萬馬皆朱幘搖曳驪山陰諸姨爛紅裙方隨長風卷忽
值絕澗分我本山中人習見匪獨聞偶從二三子來訪
張隱君君家亦何有物象移朝曛把酒看飛燼空庭落
繽紛行觀農事起畦壠如纈紋細雨發春穎嚴霜倒秋
蕒始知一炬力洗盡狐兔羣

七言古

夜光篇

唐
王冷然

遊人夜到汝陽間，夜色溟濛不解顏。
誰家暗起寒山燒，因此明中得見山。
山頭山下須臾滿，歷險緣深無暫斷。
焦聲散著羣樹鳴，炎氣傍林一川煖。
是時西北多海風，吹上連天光更雄。
濁煙熏月黑，高焰熱雲紅。
初謂煉丹仙竈裏，還疑鑄劍神谿中。
劃為飛電來照物，乍作流星併上空。
西山無艸光已滅，東頂熒熒猶未絕。
沸湯空谷

數道水融盡陰崖幾年雪兩京貧病若為居四壁皆成
鑿照餘未得貴遊同秉燭惟將半影借披書

徐使君分新火

宋 蘇軾

臨臯亭中一危坐三月清明改新火溝中枯木應笑人
鑽灼不燃誰似我黃州使君憐久病分我五更紅一朵
從來破釜躍江魚只有清詩嘲飯顆起携蠟炬繞空屋
欲事煎烹無一可為公分作無盡燈照破十方昏暗鎖

五言律

晚上山觀燒

元范梈

渡口向寥闌夕暉生翠屏隨風初繞電翳霧忽如星鳥
獸蒸宜遁柴扉照不扃閩都春始過雨洗合重青

七言律

松枝火

元謝宗可

解骨誰教劫火侵欲將春意破窮陰鱗鬣光動紅雲起
膏液香融紫霧深餘燼尚留霜後節殘灰難滅歲寒心
有時燄起隨風轉猶似蒼龍澗底吟

寒火

明
朱之蕃

騰空烈焰挾灰飛，望裏熒煌煖氣微。
禪性定餘傳指滅，客心燃後御風歸。
烹來石髓涼侵齒，著盡霓裳冷切闌。
入火化人元不熱，徒勞炙手借炎威。

六言絕句

集王摩詰書語

元
張雨

夜深童僕靜默，月明輞水淪連。
獨與山僧飯訖，寒林遠火初然。

七言絕句

春燒

元張雨

日落山前野燒生，白茅黃葦地初晴。
明朝却賦雉帶箭，呼酒岡頭看火城。

蚤至闕下候朝

明高啟

月明立傍御溝橋，半啟宮門未放朝。
騶吏忽傳丞相至，火城如畫曉寒銷。

故山春日

明楊基

梨花兩枝春可憐
下馬折花山逕邊
山中人家改新火
隔樹吹來榆柳煙

御定佩文齋詠物詩選卷二百二十二

欽定四庫全書薈要卷一萬八千八百四十五

集部

御定佩文齋詠物詩選卷二百二十三

煙類

五言古

詠煙

梁簡文帝

浮空覆雜影含露密花藤乍如洛霞發頗似巫雲登映
光飛百仞從風散九層欲持翡翠色時吐鯨魚燈

浦狹邛煙度

陳張正見

茅蘭夾兩岸野燎燭中川邨長合夜影水狹度浮煙收
光暗鳥弋分火照漁船山人不炊桂樵華幸共然

七言古

米元暉畫卷

元吳鎮

煙光與山色縹緲相為容不知山色淡還復煙光濃虎
兒斷入圖畫中憑闌展卷將無同但令絕景長在眼從
渠輕靄隨春風

五言律

煙

唐李嶠

瑞氣凌青閣，空濛上翠微。
迴浮雙闕路，遙拂九仙衣。
桑柘迎寒色，松篁暗晚暉。
還當紫霄上，時接彩鸞飛。

遠煙

唐僧處默

靄靄前山上，凝光滿薜蘿。
高風吹不起，遠樹得偏多。
翠與晴雲合，輕將淑氣和。
正堪流野目，未閣意如何。

煙

明孟洋

湘流落日外，沙迴暮生煙。
杳杳千峰失，霏霏萬壑連。
鵲

翻知浦樹人語辨江船暗裏猿聲斷幽人尚未眠

應制題畫

煙雨

明于慎行

瀟瀟一幅上秋氣滿楓林半似隨風引全疑夾霧陰遠
峰看處暝疎樹望來深筆底煙雲色爭知用作霖

七言律

和尚書詠煙

唐徐寅

無根無蒂結還融曾觸嵐光徹底空不散幾知離畢雨
欲飛須待落花風玲瓏薄展鮫綃片幕歷輕含鳳竹叢

瓊什捧來思舊隱撲窓穿戶曉冥濛

茶煙

元謝宗可

玉川爐畔影沈沈淡碧縈空杳隔林虬竅聲微松火暗
鳳團香煖竹窓陰詩成禪榻風初起夢破僧房雪未深
老鶴遲歸無俗客白雲一縷在遙岑

茶煙

明瞿佑

濛濛漠漠更霏霏淡抹吟屏幕講帷石鼎火紅詩詠後
竹爐湯沸客來時雪飄僧舍衣初濕花落觥船鬢已絲

唯有庭前雙白鶴翩然趨避獨先知

五言絕句

新煙

明袁凱

覆堤初冉冉渡水尚遲遲一樹梨花色猶能似舊時

七言絕句

宮詞

唐王涯

禁前煙起紫沈沈樓閣當中複道深長入暮天凝不散
掖庭何處動秋砧

西山

宋 劉克莊

絕頂遙知有隱君
餐芝種朮鹿為羣
多因午竈茶煙起
山下看來是白雲

堂邑宣化堂退食

元 張養浩

縣齋公退炷爐熏
聊為塵煩一解紛
閉戶不教香遠去
簾紋浮動半牕雲

題危太樸所藏滎陽鄭虔畫秋巒橫靄圖

元 鄧文原

金風瑟瑟入空山
邨落人家葉盡斑
羨殺箇中奇絕處
一天煙靄有無間

暮煙

明
胡宗仁

送客歸舟息樹根
蕭疎楓葉掩柴門
暮煙未即全遮眼
猶露橋西一兩邨

御定佩文齋詠物詩選卷二百二十三

欽定四庫全書薈要卷一萬八千八百四十六

集部

御定佩文齋詠物詩選卷二百二十四

薪炭類

附灰

五言古

詠灰

隋

岑德潤

圖規暈不缺氣改律還虛欲燃愁獄吏棄道畏刑書未
得逢強陣輕舉欲焉如

七言古

答友人贈炭

唐孟郊

青山白屋有仁人，贈炭價重雙烏銀。
驅却座上千重寒，燒出爐中一片春。
吹霞弄日光不定，煖得曲身成直身。
謝趙使君送烏薪。

宋陳師道

欲落未落雪近人，將盡不盡冬壓春。
風枝冰瓦有去鳥，遠坊窮巷無來人。
忽聞叩門聲遽速，驚雞透籬犬升屋。
使君傳教賜薪炭，妓圍那解思寒谷。
老身曲直不足云，冷窓凍壁作春溫。
定知和氣家家到，不獨先生雪塞門。

雪曉舟中生火

宋 楊萬里

烏銀見火生綠霧便當水沈一濃炷却因斷續更氤氲
散作霏微煖袍袴須臾霧霽吐紅光歛如雲表生扶桑
陽春和日曛滿室蒼顏渥丹疑醉鄉忽然火冷霧亦滅
只見紅爐堆白雪窓外雪深三尺強窓裏雪深一寸香

五言律

塵灰

唐 駱賓王

洛川流雅韻秦道擅苛威聽歌梁上動應律管中飛光

飄神女襪影落羽人衣願言心未翳終冀效輕微

五言排律

初寒擁爐欣而成詠

明楊慎

閉戶當嚴候圍爐似故人胡桃無賜炭

宋世御炭以胡桃文鵲鵲色為

上榰杌有窮薪兒免號寒喜翁便永夜親焰騰金蕋

灰聚玉麒麟剪燭休論跋傳杯莫記巡煎茶浮蠅眼煨芋皺虬鱗一點那容雪千門預借春灞橋何事者凍縮苦吟身

七言律

楮窟窩

元陸景龍

安樂窩中興澹然靈根斫得自樵仙地爐伏火春如海
雪屋圍風夜似年香透玉酥和芋撥脂流琥珀帶松燃
絕勝沈水燒金鴨吹徹參差惱醉眠

董明府除夕惠炭

明謝應芳

范叔寒多正不禁烏薪意重比烏金賒來脫粟忙炊飯
留得焦桐好製琴環堵一龕春盎盎麗譙三鼓夜沈沈

硯池冰釋龍香煖
寫我朝來抱膝吟

木炭

明朱之蕃

墨沼蒼龍蛻骨堅
冰霜難犯地爐邊
送來雪裏寒威重
領取春回煖律先
炙手何勞爭倚附
熏心喜見息風煙
烏金聲實真相稱
不朽精神藉火傳

七言絕句

小遊仙詩

唐曹唐

去住樓臺一任風
十三天洞暗相通
行厨侍女炊何物

滿竈無煙玉炭紅

以少炭寄江子之

宋晁沖之

金籍曾通玉虛殿仙曹擬拜翠微郎莫嫌薄上溫磨火
猶得濃熏篤耨香

杜善甫乞炭

金劉勳

筆口酸嘶解說窮寒爐隨手變春紅因君大笑涪翁拙
費盡奇香得馬通

山居吟

元僧清珙

山風吹破故窓紙
片片雪花飛
入來添盡布裘
渾不煖
拾枯深撥地
爐灰

御定佩文齋詠物詩選卷二百二十四



總校官庶吉士臣侍朝

校對官編修臣許兆椿

謄錄舉人臣羅步雲

欽定四庫全書薈要

集部

御定詠物詩選卷二百二十

七五至

詳校官原任主事

臣李斯咏



欽定四庫全書薈要卷一萬八千八百四十七

集部

御定佩文齋詠物詩選卷二百二十五

農類

四言古

勸農

晉陶潛

熙熙令音猗猗原陸卉木繁榮和風清穆紛紛士女趨
時競逐桑婦宵征農夫野宿

其二

氣節易過和澤難久冀缺攜儷沮溺結耦相彼賢達猶
勤墾畝矧伊衆庶曳裾拱手

和陶勸農

宋
蘇軾

聽我苦言其福永久利爾鉏耜好爾鄰耦剪艾蓬蘽南
東其畝父兄搢挺以扶游手

其二

天不假易亦不汝匱春無遺勤秋有厚冀雲舉雨決婦
姑畢至我良孝愛袒跣何媿

五言古

癸卯歲始春懷古田舍

晉陶潛

先師有遺訓憂道不憂貧
瞻望邈難逮轉欲志常勤
秉耒歡時務解顏勸農人
平疇交遠風良苗亦懷新
雖未量歲功即事多所欣
耕種有時息行者無問津
日入相與歸壺漿勞近鄰
長吟掩柴門聊爲壟畝民

丙辰歲八月中於下溪田舍穫
陶潛

貧居依稼穡戮力東林隈
不言春作苦常恐負所懷
司

田眷有秋寄聲與我諧飢者勸初飽束帶候鳴雞揚楫
越平湖汎隨清壑迴鬱鬱荒山裏猿聲閒且哀悲風愛
靜夜林鳥喜晨開曰余作此來三四星火頽姿年逝已
老其事未云乖遥謝荷蓀翁聊得從君棲

籍田

梁武帝

寅賓始出日律中方星鳥千畝土膏紫萬頃陂色縹嚴
駕佇霞昕浥露逗光曉啟行天猶暗伐鼓地未悄蒼龍
發蟠蜿青旂引窈窕仁化洽孩蟲德令禁胎天耕籍乘

月映遺滯指秋杪年豐廉讓多歲薄禮節少公卿秉耒
耜庶忙荷鋤耰一人慙百王三推先億兆

田家即事

唐李嶠

舊居東臯上左右俯荒邨樵路前傍嶺田家遙對門歡
娛始披拂愜意在郊原餘霽蕩川霧新秋仍晝昏攀條
憩林麓引水開泉源稼穡豈云倦桑麻今正繁方求靜
者賞偶與潛夫論雞黍何必具我心知道尊

新晴野望

唐王維

新晴原野曠極目無氛垢郭門臨渡頭邨樹連谿口白水明田外碧峯出山後農月無閒人傾家事南畝

田家雜興

唐 儲光義

衆人耻貧賤相與尚膏腴我情既浩蕩所樂在畋漁山澤時晦冥歸家整閒居滿園植葵藿繞屋樹桑榆禽雀知我閒翔集依我廬所願在優游州縣莫相呼日與南山老顏然傾一壺

其二

梧桐蔭我門
薜荔網我屋
超超兩夫婦
朝出暮還稼
穡既自種
牛羊還自牧
日旰懶耕鋤
登高望川陸
空山足禽獸
墟落多喬木
白馬誰家兒
聯翩相馳逐

其三

種桑百餘樹
種黍三十畝
衣食既有餘
時時會親友
夏來菰米飯
秋至菊花酒
孺人喜逢迎
稚子解趨走
日暮閒園裏
團團蔭榆柳
醅酎乘夜歸
涼風吹戶牖
清淺望河漢
低昂看北斗
數甕猶未開
明朝能飲否

行次田家澳梁作

儲光義

田家俯長道邀我避炎氛當暑日方晝高天無片雲桑
間禾黍氣柳下牛羊羣野雀棲空屋晨風不復聞前登
澳梁坂極望溫泉分逆旅方三舍西山猶未曛

田家即事答崔二東臯作

儲光義

玄鳥雙雙飛杏林初發花
哢命僮僕可以樹桑麻清
旦理犁鋤日入未還家

田家

唐
楊 顏

小園足生事尋勝日傾壺蒔蔬利於鬻纔青摘已無四
鄰依野竹日夕采其枯田家心適時春色遍桑榆

題農夫廬舍

唐丘爲

東風何處至已綠湖上山湖上春旣早田家日不閒溝
塍流水處耒耜平蕪間薄暮飯牛罷歸來還閉關

南谿春耕

唐錢起

荷蓑趨南徑戴勝鳴條枚谿雨有餘潤土膏寧厭開溝
塍落花盡耒耜度雲迴誰道耦耕倦仍兼勝賞催日長

農有暇悔不帶經來

觀邨人收山田

錢起

六府且未盈三農爭務作貧民乏井稅墾土皆墾鑿禾
黍入寒雲茫茫半山郭秋來積霖雨霜降方銍穫中田
聚黎甿反景空邨落顧慚不耕者微祿同衛鶴庶追周
任言敢負謝生諾

田家

唐柳宗元

蓐食狗所務驅牛向東阡雞鳴邨巷白夜色歸暮田札

札耒耜聲飛飛來烏鳶竭茲筋力事特用窮歲年盡輸
助徭役聊就空自眠子孫日以長世世還復然

觀稼

唐
白居易

世役不我牽身心常自若晚出看田畝閒行傍邨落纍
纍遶場稼嘖嘖羣飛雀年豐豈獨人禽鳥聲亦樂田翁
逢我喜默起具杯杓斂手笑相延社酒有殘酌愧茲勤
且敬藜杖爲淹泊言動任天真未覺農人惡停杯問生
事夫種妻兒穫筋力苦疲勞衣食常單薄自慙祿仕者

不曾營農作飽食無所勞何殊衛人鶴

古風

唐李紳

鋤禾日當午汗滴禾下土誰知盤中餐粒粒皆辛苦

田居春耕

宋秦觀

雞號四鄰起結束赴高原戒婦預爲黍呼兒隨掩門犁
鉏帶晨景道路更笑喧宿潦濯芒屨野芳簪髻根霽色
披宵靄春空正鮮繁辛夷茂橫阜錦雉嬌空園少壯已
雲趨伶俜尚鵠蹲蟹黃經雨潤野馬從風奔邨落次第

集隔塍致寒暄眷言月占好努力競晨昏

老農

宋
劉子翬

山前有老農給我薪水役得錢徑沽酒醉卧山日夕忘
形與之語妙理時見益志士多隱淪欲學慚未識

勞農

宋
朱子

四體久不勤筋力坐駑緩何事兩山阿離離豆苗滿多
謝植杖翁居然見長短

次韻黃子理宣德田居四時

宋
僧道潛

四序自逶迤田園常局促春陽旋東臯迫我事鉅鎬出
種曝籬根驅牛飲谿曲暉暉明昭陽聒聒喧布穀頽齡
惜筋骸曉睡謾云足蓐食出柴門荷蓀赴幽谷蹇條視
柔桑密葉已舒綠今年氣候早膏雨厭霖霖鄰翁一時
來耕耨每相屬

其二

離離小麥黃習習南風度桑棗暗蓬麻耕鋤困朝暮種
瓜屋東隅翠蔓已分布黃花引疎籬冉冉欲橫路白水

漫青秧聯翩下鷗鷺新絲換濁酒肴藪羞薄具掃灑聚
比鄰環坐蔭高樹稚子羨羸餘牽衣傍翁嫗牛羊嶺外
歸落日林梢去餉婦亦還家笑言隔煙霧

其三

朔風鳴高林回塘冰已結牛羊卧茅屋原野暗飛雪壯
男臂雕弓短後事田獵飢鷹一號呼荒徑灑毛血歸來
誇意氣鄰舍呼飲啜明朝過南山更欲窮窟穴寒爐然
豆萁光燄時起滅布被攤嬌兒從渠踏裏裂老翁寢不

寐展轉念鶯鴨籬落易穿窬狐狸恐驚發

田家四事

元方夔

耕

古人以農仕仕即爲公卿未仕有常業安得不躬耕我
耕常及時破塊當初晴墳墟土性異勤怠人力并泥塗
淤手足霧露沾裳纓婦子挈午餉勞苦寬我情罷耕亟
放牧吾牛亦飢鳴投耒重回首深山空月明

種

我生古揚州田下異梁雍山田種荒萊水田種浮葑地
力肥瘦兼農器有無共及時撒新穀搏黍遞幽哢生意
日夜長移秧趁芒種未嫌豚酒祝自樂雞黍供落日竹
枝歌猶是幽原頌

耘

良苗已入土田間水沄沄昨夜苗根發翳葉如煙雲草
生害我苗匝月一再耘是時人苦熱出門天未昕鬱蒸
體流膏爬捽手生皸手荼擁根節腰草驅蠅蚊青青衿

佩子從事哀我勤我勤自樂此爾非沮溺羣

穫

涼風入衣襟斜日照墟落我稼將登場杵聲橐橐宵
征備寇盜日行呀鼠雀腰鑣赴田間是處竟秋穫刈疾
笑翁健負重慚兒弱山炊雜戎菽野草配場藿人生累
衣食計較一餉樂已矣復何言吾生老耕鑿

耕圖

元趙孟頫

二月

東風吹原野地凍亦已消早覺農事動荷鋤過相招遲
遲朝日上炊煙出林梢土膏脉既起良耜利若刀高低
徧翻壟宿草不待燒幼婦頗能家井臼常自操散灰緣
舊俗門徑環周遭所冀歲有成殷勤在今朝

三月

良農知土性肥瘠有不同時至萬物生芽蘖由地中秉
耒向畎畝忽徧西與東舉家往于田勞瘁在爾農春雨
及時降被野何濛濛乘茲各布種庶望西成功培根利

秋實仰天望年豐但使陰陽和自然倉廩充

十二月

一日不力作一日食不足慘淡歲云暮風雪入破屋老
農氣力衰偃僂腰背曲索綯民事急晝夜互相續飯牛
欲牛肥茭藁亦預蓄蹇驢雖劣弱挽車致百斛農家極
勞苦歲豈恒稔熟能知稼穡艱天下自蒙福

歸田樂

元張養浩

日月底天廟陽瘴土脉生習習協風來颺颺衆蟄驚農

人服厥畝薄言事春耕缺堤流瀼瀼灌木鳴嚶嚶白扉
颭青帘綠野明丹英蠶婦喜形色牧豎歌傳聲天隨野
色遙山與吟懷清向者慳一際今者幸四并倘佯子真
谷萬事秋毫輕

勤耕亭

元
傅若金

日月靡閒暇四序更運之斯人務作業矧敢怠遑時負
耒適西疇恒患耕作遲仲春時雨至羣物具含姿牛食
青澗阿鳥鳴芳樹枝興言播嘉穀夙夜將耘耔豈不懷

逸居亦念寒與飢但使秋稅畢聊樂及我私義農雖已
遠沮溺不吾欺努力順天命素餐非所知

早出田所

明袁凱

愧無經濟術徒有茂異名行遊三十年不見有所成歸
來得荒地黽勉始學耕方春多雲氣甘雨亦時行大澤
含澄瀾溝澮皆滿盈清晨出門去路與煙霧并庶幾望
秋實敢懷勤苦情日午有濁醪揮汗且復傾

田家雜詠

明樊阜

嘉樹蔭衡門鳴鳩遍邨墅薄言農務興力作無男女晨
爨煙未起驅牛理田圃茲時若晏嬉爭得好禾黍清曉
聞雨過春流漲谿渚小兒學把犁小女亦能杵生理勿
嫌微浮榮非我取

其二

少長郊墟中縣官名未識長時帶好客不見惡顏色高
壘麥穗齊雉鳴自藏翼野田耕耨餘工力暫時息日夕
會鄰家黃牛卧籬側酒酣勉諸孫耕作當努力微雨過

前邨鳥鳴催蓐食

其三

烏柏陰我牆白茅覆我屋
荷蓀朝出耘依依暮歸宿
少婦勤織縫諸孫解樵牧
秋風未黍收寒日照原陸
鳥雀啾啾鳴園籬多草木
官租及早償莫待里胥督

其四

山邨頗幽僻甘向田間老
鄰家隔短牆出入同一道
桑柘團午陰鶯雛牝雞抱
夕陽雨外明谿上山色好
夫婦

話綢繆農工非草草秧長及時移明朝飯須早

田家

明 祝允明

谿流浸茅宇短簷挂犁鉏柔桑交午陰幽鳥時相呼稚
子跨犢眠夢歸候朝舖稼翁釋其勞暫往攜陶壺老妻
督少婦擇繭停辟廬輕雨日日零羣苗盡懷蘇

夏日田園即事

明 蔣山卿

沈沈夜來雨泱泱川上平田家趨時作驅牛急晨耕遙
遙阡陌間肅肅老少并札札耒與耜咿咿桔槔聲紆回

野水入綿延禾稼盈劬苦事一時倏忽見秋成四體雖
云疲所貴惟此生此生各有分胡乃不自營寥寥千載
下寧知沮溺情

南莊觀穫作

明王問

酌酌涇上田粒養歲所需黽勉事朝夕聊爾謀一盂歸
來已十年取足不願餘澤澤稼事勞念爾苦沾塗予也
觀厥成覩彼荷蓀徒四體不常勤而有此廩庾長日茅
茨下擊缶歌烏烏上以供粢盛下以奉親娛以惠我周

親布德賙比閭

湖莊觀穫

王 閭

清川泛容與輕颺動微波霜氣日夕寒歲暮棲巖阿適
觀湖上農子婦紛取禾甌窶盈筐箱比屋廩差莪醕酒
燕鄉社擊缶笑以歌仰荷皇澤覃早得謝鳴珂絕軌車
馬途何由逢軾軻優游養餘齒但願豐年多

田家

明 袁 聚

誰言田家樂所樂亦豈常耕斂稍不給豐歉復相當五

月了蠶事十月登稻梁所入不償用閒少實多忙營營
事公私勞苦過即忘歲功已告畢蜡社聚一方酌酒宰
雞豚鼓腹坐山陽寧知朱門內晝夜羅酒漿貧富在所
遭苦樂難較量

七言古 附長短句

寄宿田家

唐高適

田家老翁住東陂說道平生隱在茲鬢白未曾記日月
山青每到識春時門前種柳深成巷野谷流泉添入池

牛壯日耕十畝地人閒長掃一茅茨客來滿酌清樽酒
感興平吟才子詩巖際窟中藏鼯鼠潭邊竹裏隱鷓鴣
邨墟日落行人少醉後無心怯路岐今夜只應還寄宿
明朝拂曙與君辭

田家行

唐王 建

男聲欣欣女顏悅人家不怨言語別五月雖熱麥風清
簷頭索索縲車鳴野蠶作繭人不取葉間撲撲秋蛾生
麥收上場絹在軸的知輸得官家足不望入口復上身

且免向城賣黃犢田家衣食無厚薄不見縣門身即樂
送吳叔舉主簿往清江受納秋苗

宋

王庭珪

田頭作穀催入場一半白著輸官倉廬江主簿喜懷檄
放船椎鼓開帆檣蕭灘老農公事畢夾道歡呼羅酒漿
笑言歸去喚妻子今年租米兩平量

插秧歌

宋

楊萬里

田夫拋秧田婦接小兒拔秧大兒插笠是兜鍪蓑是甲

雨從頭上濕到脚
喚渠朝餐歇半霎
低頭折腰只不答
秧根未牢詩未匝
照管鶯兒與雛鴨

題申季山所藏李伯時畫邨田樂圖

宋
戴復古

春秧夏苗秋遂穫
官賦私逋都了却
雞豚社酒賽豐年
醉唱邨歌舞邨樂
鼓笛有聲無曲譜
布衫顛倒傴僂舞
欲識太平真氣象
試看此畫有佳趣
管絃聲按宮商發
細轉柳腰花十八
羅幃繡幕拂香風
九醞葡萄金盞滑

王孫公子巧歡娛
勿將富貴笑田夫
非渠耕稼飽君腹
問有黃金可樂無

田家吟

元胡天游

邨南邨北鳴鸝黃
舍東舍西開野棠
坡晴漸放桑眼綠
水暖忽報秧牙長
老翁躬耕催早起
女織男舂婦炊黍
犢兒狂走未勝犁
蠶蟻半生猶戀紙
一春莫笑田家苦
苦樂原來兩相補
君不見踏歌槌鼓
肉如山昨日原頭
祭田祖

水車歌

元
曹文晦

老農呼婦呼孫子齊上溝車踏河水浪走源頭雪霰飛
天翻脚底風雷起颯颯昆明龍蛻骨宛宛常山蛇顧尾
條爾盈科歎水哉激之過潁由人耳吼聲瀾瀾河伯怒
苗色芄芃田畯喜阿香滴瓢苦瑟縮鮫人泣綃無尺咫
蘇枯幸活莊子鮒騰空如化琴高鯉東郊桔槔不亦勞
西隣轆轤安足擬忘機却笑抱甕夫巧製端從斲輪氏
天心普順固無邊人力強爲終有已欲令田野息愁歎

正在廟堂能變理五風十雨歲穰穰棄置溝車如敝屣

田家樂寄張師孟

明 鐺 炳

田家樂今年莊農好秋作蟄龍蛻骨枯槁懸五穀咸登
時雨若官家更憂民力疲公田折布能輕齎小姑娘筐
嬾梳洗拾得棉花如雪肥大姑軋軋催機杼疎簾樹影
寒蛩語鬢雲籠霧颺西風看月生涼褪秋暑山徑牛羊
下夕墟蕭蕭榆柳草堂虛野老杖藜邀小酌諸孫燈火
讀殘書

五言律

張谷田舍

唐 儲光羲

縣官清且儉深谷有人家
一徑入寒竹小橋穿野花
碓喧春澗滿梯倚綠桑斜
自說年來稔前邨酒可賒

田舍

唐 杜甫

田舍清江曲柴門古道傍
草沈迷市井地僻懶衣裳
櫟柳枝枝弱枇杷樹樹香
鷓鴣西日照曬翅滿魚梁

太和戊申歲大有年詔賜百寮出城觀秋稼謹

書盛事以俟採詩者

唐
劉禹錫

長安銅雀鳴秋稼與雲平
玉燭調寒暑金風振順成
川原呈上瑞恩澤賜閒行
欲返重城掩猶聞歌舞聲

江上田家

唐
包何

近海川原薄人家本自稀
黍苗期臘酒霜葉是寒衣
市井誰相識漁樵夜始歸
不須騎馬問恐畏狎鷗飛

田家

唐
司空曙

田家喜雨足鄰老相招攜
泉溢溝塍壤麥高桑柘低
呼

兒催放犢宿客待烹雞搔首蓬門下如將軒冕齊

贈田家翁

唐 耿 漳

老人迎客處籬落稻畦間蠶屋朝寒閉田家晝雨閒
門間新雜草蹊徑舊諳山自道誰相友邀余試往還

贈田家翁

唐 杜荀鶴

田家真快活婚嫁不離邨州縣供輸罷追隨鼓笛喧
盤餐同老少家計共田園自說身無事應官有子孫

田家

唐 李建勳

不識城中路熙熙樂有年木盤擎社酒瓦鼓送神錢霜
落牛歸屋禾收雀滿田遙陂過秋水閒閣釣魚船

再出行田

宋韓琦

豐歲觀農獲先疇路不遐子多宜晚穀生拗就新麻蕎
麥方成齧蔓菁未入極鄉民愚自詫太守是吾家

田舍

宋范成大

呼喚攜鉏至安排斜圃忙兒童眠落葉烏雀噪斜陽煙
火邨聲遠林菁野氣香樂哉今歲事天末稻雲黃

農家

宋 陸游

南畝勤菑穫西成謹蓋藏種蕎乘霽日斫荻待微霜
碓新春白山厨野蔌香何須北窗卧始得傲羲皇

農家

陸游

大布縫袍穩乾薪起火紅薄才施畎畝樸學教兒童
羊要高爲棧雞當細織籠農家自堪樂不是傲王公

其二

東舍女乘龍西家婦夢熊翁誇酒重碧孫愛果初紅栗

烈三冬近團樂一笑同營生無繆巧百事仰天公

其三

諸孫晚下學髻脫繞園行互笑藏鉤拙爭言鬪草羸
嚴責程課翁愛哺飴飴富貴寧期汝他年且力耕

宿農家

宋戴復古

門巷規模古田園氣味長小桃紅破萼大麥綠銜芒稚
犬迎來客歸牛帶夕陽儒衣媿飄泊相就說農桑

出社下嶺望九洲流陂稻田可愛

明
鐫
崧

度嶺望平田人家隱翠煙邨墟自雞犬風物似神仙晚
樹依沙立秋粳帶水眠幾時驅兩犢投迹此安廛

夜宿田舍

明
華
察

郊居觀穫罷暝色滿荆扉歲事山田薄人家茅屋稀荒
園寒照斂獨樹暮禽歸夜靜然燈坐高窗黃葉飛

田家吟

明
盧
澐

最是農家樂收成十月天春耕餘穀種秋稅了官錢兒

女團朝日雞豚散野田鄰翁相見處豐稔說明年

田家樂

明
鄧漢

煙火高原合雞豚小市通夜行防虎穿寒至築牛宮捕
雀遵桑翳澆麻引竹筒今年倍收秫不怕甕頭空

五言排律

奉和聖製至長春宮登樓觀稼穡之作

唐
蘇頲

帝迹奚其遠皇符之所崇敬時堯務作盡力禹稱功赫

濯惟元后經營自左馮變蕪杭稻實流惡水泉通國阜
猶前豹人疲詎昔熊黃圖巡沃野清吹入離宮是闕京
坻富仍觀都邑雄憑軒一何綺積溜寫晴空禮節家安
外和平俗在中見龍垂渭北辭雁指河東睿思方居鎬
宸遊若飲豐寧誇子雲從祇爲獵扶風

田家

唐王維

舊穀行將盡良苗未可希老年方愛粥卒歲且無衣
雀乳青苔井雞鳴白板扉柴車駕羸犢草屨牧豪豨
夕雨

紅榴拆新秋綠芋肥餉田桑下憇旁舍草中歸住處名
愚谷何須問是非

六言律

春耕

明楊慎

五風十雨樂歲東臯西崦人家水心魚浮菖葉屋角鳩
鳴杏花餉壟青梅煮酒訪鄰綠笋烹茶問津寧知沮溺
祠田但祝汙邪

七言律

和游堯臣勸農韻

宋王炎

傳呼穩凭筍輿行喜見漫山麥浪平道上老農皆好語
年來瘦地有新耕草深黃犢陽坡暖雨過青蒲野水生
桃李陰中春事好田家雞犬亦歡聲

次秀野躬耕桑陌舊園之韻

宋朱子

郊園旱久只多蹊昨夜欣沾雨一犁已辦青鞵隨老圃
便驅黃犢過深溪農談荆喜鄉鄰近饁具仍教婦子攜
指點竹寒沙碧處不知何似錦城西

邨居初夏

宋陸游

天遣爲農老故鄉，山園三畝鏡湖旁。
嫩莎經雨如秧綠，小蝶穿花似繭黃。
斗酒隻雞人笑樂，五風十雨歲豐穰。
相逢但喜桑麻長，欲話窮通已兩忘。

穫稻用分秧韻

明顧清

負郭園池帶宅田，老晴天氣太平年。
穫來黍稻叢高廩，散出牛羊滿近川。
饋啟甌山騰霧靄，蟻香醅甕起淪漣。
斜陽一枕西窗夢，縱有丹青不與傳。

望田家

明

汪應軫

數椽茅屋傍山開，橫麓平簷雪滿堆。
耳畔春風還料峭，田家錢鏹尚塵埃。
雞豚詫客穿籬入，牛馬馴人際晚回。
何事鄰翁喧笑語，爲儲舊穀接新來。

耕隱爲南昌萬用中賦

明

僧來復

山莊別築楚城西，百畝桑陰水一溪。
莎草雨晴黃犢卧，稻花風暖白鳩啼。
沽來官酒春祈社，讀罷農書曉灌畦。
孝悌力田新有詔，姓名還向御前題。

南浦春耕

明僧德祥

索索繰車谷口聞鳥催農事日紛紛
新生野水瓜藤繞舊作田塍井字分
耕雨每憐黃犢健帶經猶愛小兒勤
晚風獨立谿橋外流水桃花一隊雲

七言排律

省斂

明何洛文

翠華縹緲出明光帝畝油油曉露瀼
田畷秋登歌萬寶宸旒時斂足千倉
欣瞻壟覆黃雲滿想見匙翻白雪香

耕籍三推蒙帝力連莖累歲紀農祥
即看薦熟流馨餽更識憂民念雨暘
六合長應書大有願陳幽雅表時康
五言絕句

題田洗馬游巖桔槔

唐陳子昂

望遠長爲客商山遂不歸誰憐北陵井
未息漢陰機

山下宿

唐白居易

獨到山下宿靜向月中行何處水邊碓
夜春雲母聲

江行

唐錢起

岸草連荒色
邨聲樂稔年
晚晴貪穫稻
閒却采菱船

春墅

唐崔道融

蛙聲近過社
農事忽已忙
鄰婦餉田歸
不見百花芳

稻畦

宋文同

決水轉橫渠
交塍畫方罫
秋風報禾熟
滿頃吹擺耜

東谿小景

明魯鐸

隔谿語農人
新禾脰尚短
車痕記水畦
莫灌東畦滿

六言絕句

田園樂

唐王維

酌酒會臨泉水抱琴好倚長松南園露葵朝折東谷黃
梁夜春

過山農家

唐顧況

版橋人渡泉聲茅簷日午雞鳴莫嗔焙茶煙暗却喜曬
穀天晴

農家六言

宋楊萬里

插秧已蓋田面疎苗猶逗水光白鷗飛處極浦黃犢歸

時夕陽

耕

明
黎 擴

南邨北邨雨足十畝五畝秧齊帶月肩犁未出催人布
穀先啼

七言絕句

稻田

唐
韋 莊

綠波春浪滿前陂極目連雲穉秧肥更被鷺鷥千點雪
破煙來入畫屏飛

畚田調

宋 王禹偁

大家齊力劬孱顏耳聽田歌手莫閒各願種成千百索

山田俱以百尺
繩量曰若干索

豆箕禾穗滿青山

初夏

宋 林逋

乳雀啁啾日氣濃稚桑交影綠重重秧田百畝鶯黃犬
橫策谿橋屬老農

田家

宋 歐陽修

綠桑高下映平川
賽罷田神笑語喧
林外鳴鳩春雨歇

屋頭初日杏花繁

畫車

按此係水車

宋蘇軾

九衢歌舞頌王明誰惻寒泉獨自清
賴有千車能散福
化爲膏雨滿重城

秋日田家

宋文同

淘漉溝源築野塘
滿陂煙草卧牛羊
今年且喜輸官辦
豆莢繁多粟穗長

豐年謠

宋王炎

稻如馬尾覆溝塍桑柘陰中雞犬鳴收穫登場便無事
輸租人不入州城

晚憇田家二絕

王炎

家書未到鵲先喜春事無多鶯又啼偶對好山畱客坐
綠陰遮屋日將西

其二

山間一徑牛羊迹林下數家雞犬聲底事居人苦爭畔
閒田官正募民耕

插秧

宋
范成大

種密移疎綠毯平行間清淺穀紋生誰知細細青青草
中有豐年擊壤聲

田園雜興

范成大

五月吳江麥秀寒移秧披絮尚衣單
稻根科斗行如塊
田水今年一尺寬

其二

下田戽水出江流
高壟翻江逆上溝
地勢不齊人力盡

丁男長在踏車頭

農舍

宋 陸游

三農雖隙亦匆忙
稼事何曾一夕忘
欲曬胡麻愁屢雨
未收蕎麥怯新霜

金谿道中

宋 楊萬里

野花垂路止人行
田水偏尋缺處鳴
近浦人家隨曲折
插秧天氣半陰晴

至後入城道中雜興

楊萬里

大熟仍教得大晴今年又是一昇平昇平不在簫韶裏
只在諸邨打稻聲

湖南江西道中

宋

劉克莊

丁男放犢草間嬉少婦看蠶不畫眉歲暮家家禾絹熟
萍鄉風物似幽詩

田舍即事

劉克莊

去年贏粟尚儲餅又見新秧蘸水青野老逢人說慚媿
長官清白社公靈

農謠

宋方岳

春雨初晴水拍堤
邨南邨北鶉鴣啼
含風宿麥青相接
刺水桑秧綠未齊

其二

小麥青青大麥黃
護田沙徑遶羊腸
秧畦岸岸水初飽
塵甑家家飯已香

田頭

方岳

秧田多種八月白
草樹初開九里香
但得有牛橫短笛

一蓑春雨自農桑

途間作

宋
許月卿

乍雨乍晴寒食候
半花半藥山礬香
老農甚喜天意好
日暖今年不凍秧

田家秋日

金
趙元

禾穗纍纍豆角稠
崧前邨落太平秋
熙熙多少豐年意
都在農家社案頭

邨行

金
郭邦彥

豆葉芄芄麻葉光植禾得雨又催黃田家樂事誰真得
牧子行歌醉叟狂

田舍曲

元 洪希文

杏花開後雨如煙燕子來時水滿川
省犁扶犢出新田

田父詞

元 馬 臻

龍鍾田父住深邨桑柘岡頭石路分
猶領兒孫到城市
向人聽讀勸農文

其二

處處叢祠鼓笛喧已占蠶麥十分添醉騎牛背歸來晚
亂把山花插帽簷

宿田家

明 胡奎

邨北邨南社鼓聲閒尋老父說昇平孤燈也識離人意
落盡寒花却再生

御定佩文齋詠物詩選卷二百二十五